РУЛЬТЫҢА-ИРГУЛАН

Такут қулигамсут алңаманка Рультыңамың-нувқаҳмимың. Нувуқақ лъиқа кыпыңаўқ малгугнун ытфигнун кўигмың – укухкугмит ылъыгит укани, ахкугмит ылъыгит инлонтуңыңани.

Атасимың укйъум ыгныгани саюхтутақут. Ануклъиңган, пихсиңган нывехсат анақут силъамун синыңанун куигым саюхлъықылътың. Утыхсилгит агекут. Таўхкын утыгнигакут. Таўатылнугмың алмысилгумат.

Қамиғалъҳағылътың силъамун ануситет аңкат. Упынғами аньяпит қамиғакет синыңанун имам. Аньяхтуныгмың сагикнелъықылътың. Қамиғалғит гўатапик пугнылияҳқаўтакут. Пугнигакут гўатын: ыгыфтакет тунуқ кыпуглуку, эгилъиглуку, илақат ныҳсам мысеганың, апымың илақлъуку. Пугнық қыҳсуҳтук. Анлъут қаюкат имигакет ынкам аңоҳтыңита аньят тугоқет. Унопилуку, сали тарумалуку қамиғакут. Аңоҳтыңинун аньям малиагатакут микискит. Натын нығыфкагилъҳагылтың пугнық тункуғақат микискинун. Кукупинкут пугныҳкетакут. Тугутакут галетының, тауҳкын тункуғакет. Аёюнкут пугнигакут улъкилиглуку. Нықнипихтут. Унопилуку, сали таруглуку.

Атасимың аныльхутымльу Эмульу малигунъақукук Аёюнкунун. Унопилуку ют атхақут унавык. Ыкнылильтың. Утақамальуң атхаяхқанун қавамакук. Агвық кем синыңанун тагутақнатхуң лъилақат лъыган мантак кем синыңанун. Агнат агуқақут, минитақет мантагның, нықының.

Кегми қумақнаку нуна, қанекет қиқмигогыт. Укйъуми калъыхтакет хўаңкута ынагатыхкапут. Кегақнаку-ам пыгокет нунамун. Таўатысимат пит алмысит. Таўхкын ныгутакут. Кинкут лъыган нымытхўалгит ипа ныгыфкагияхтугакут.

Гуентоланкут ныгыфкагияхтугакут Қигниктум қайңанун, Келңетегынкут уйгахлъугмун Калңагмың атылыгмун. Мамрохлагмит аньяпитхун аңоқат Мамрохлак. Ныгутылъхагылътың нунивекут, укйъуми ныгьяхқаның.